

**Bogfimisamband Íslands (BFSÍ) er aðili að heimssambandinu WorldArchery (WA). BFSÍ fer eftir reglum og lögum WA og reglur BFSÍ skulu vera í samræmi við reglur og lög WA.**

## Erlend mót

### Skráning á erlend mót:

BFSÍ skal halda úti skráningu á vefsíðu sambandsins þar sem keppendur geta skráð áhuga sinn á að keppa á kvótamótum fyrir hönd Íslands.

Þeir keppendur sem skrá sig á erlend kvótamót eftir forskráningar frest mótsins (preliminary entry deadline) skulu borga 10.000.kr aukalega. Þessi upphæð kemur á móti sektum heims- og evrópusambands vegna skráningafresta.

BFSÍ tekur ekki við skráningum á erlend kvótamót 1 viku fyrir loka skráningar frest (Final entry deadline)

### Hlutgengi keppenda á erlend mót:

Allir í félögum innan BFSÍ mega lýsa yfir áhuga sínum eftir að keppa á erlendum mótum á vegum BFSÍ.

Aðeins er 1 kvótamót á ári innandyra (HM eða EM), en utandyra eru tugir kvótamóta, þess vegna er valið fyrir utandyramót og innandyramót öðruvísi.

Þátttakendur á erlendum mótum þurfa að vera skuldlausir við BFSÍ. Í sérstökum tilfellum getur afreksstjóri meinað keppanda að fara á mót, en til þess þarf hann samþykki meirihluta stjórnar BFSÍ.

### Hlutgengi á erlend mót utanhúss:

Sá keppandi sem var með hæsta skor í undankeppni á Íslandsmóti utanhúss árið áður hefur forgang á kvótasæti á erlend utandyra mót.

Til þess að notfæra sér þann forgang þarf keppandi að skrá sig á viðkomandi kvótamót á vefsíðu BFSÍ 5 mánuðum áður en kvótamótið hefst. Eftir þann tíma rennur kvótasætið til næst hæsta keppanda í skori af Íslandsmóti utanhúss árið áður sem skráði sig fyrir frestinn.

### Hlutgengi á erlend mót innanhúss:

Haldið er sér undankeppnismót til að velja landsliðið á HM/EM Innandyra, mótið er almennt haldið í byrjun Október á hverju ári. Þeir keppendur sem vilja taka þátt á HM/EM innandyra verða að taka þátt í því undankeppnismóti.

Þrír efstu í undankeppni á því móti eru landsliðið, þeir verða að staðfesta sæti sín innan 14 daga frá lokum undankeppnismótsins. Ef einn af 3 efstu forfallast eða getur ekki nýtt sætið fær sá sem var í 4 sæti í undankeppni á undankeppnismótinu sætið osfrv þar til fyllt hefur verið í liðið.

(tilgangur reglunar er að besta íþróttafólkið hafi forgang á sæti á kvótamót, en þegar nær dregur móti að það sé hægt að fylla tímanlega í lið)

### Framhalds-keppnisréttur:

Keppendur sem vinna sér inn framhalds keppnisrétt fyrir Íslands hönd á mót, t.d. Ólympíuleika, Evrópuleika os.frv., eiga fyrstir réttinn á að nota sér það sæti.

Ef keppandinn getur ekki notað þann framhalds keppnisrétt, eða forfallast á annan veg, rennur sá keppnisréttur til:

1. Þess sem var með hæsta skor í undankeppni á því móti sem framhalds keppnisréttur var unninn. Ef sá getur ekki notað réttinn rennur það til næsta hæsta af því móti, os.frv þar til rétturinn er nýttur.

2. Ef rétturinn rennur ekki út skv. Lið 1 rennur rétturinn til þess sem var með hæsta skor í undankeppni á fyrra undankeppnismóti um framhalds keppnisrétt, ef slíkt mót var haldið. Ef sá getur ekki notað réttinn rennur það til næsta hæsta af því móti, os.frv þar til rétturinn er nýttur.
3. Ef enginn ofangreindra getur nýtt sér keppnisréttinn sér BFSÍ um val keppanda sem getur notað keppnisréttinn.

(tilgangur reglunar er að vera með sanngjarnt og gengsætt kerfi þar sem að sá sem vinnur sæti fær fyrsta rétt til þess að nota það og þeir sem reyndu að ná sæti á mikilvæg mót séu næstir í röðinni ef fyrsti getur ekki notað sætið)

Wild card sæti.

Úthlutun á wild card sætum (á t.d Ólympíuleika, Evrópuleika eða slíkt) fer eftir reglum mótsins sem um ræðir.

Ef upp kemur að BFSÍ þarf að velja milli keppanda frá Íslandi til að fylla wild card sæti er valið eftir skori úr undankeppni íslandsmóts utanhúss árið áður. Hæstur í skori á fyrstur réttinn, ef hann getur ekki nýtt sætið eða forfallast fær 2 hæsti réttinn og svo framvegis þar til wild card sætið er fyllt.

Aðeins þeir keppendur sem kepptu um keppnisrétt á mótinu sem gaf wild card geta fengið wild card sæti.

(Veður aðstæður á mótum geta verið mismunandi, þess vegna er Íslandsmótið notað gagnvart wild card sætum, þar sem allir keppendur hafa keppt á þeim á jöfnum grundvelli og bestí keppandinn því líklegastur að fá wild card sætið)

Mót fatlaðra:

Erlend mót fatlaðra eru undir umdæmi Íþróttasambands Fatlaðra (ÍF). Keppendur sem vilja taka þátt í mótum fatlaðra verða að gera það í gegnum ÍF. BFSÍ og ÍF skulu vera í góðu sambandi tengt þeim verkefnum þar sem þörf er á.

Keppni hætt eða ekki komið til leiks:

Ef að keppandi kemur ekki til leiks og tilkynnir ekki forföll eða hættir keppni, án gildrar ástæðu, verður viðkomandi settur í keppnisbann frá landsliði eða úr öllu starfi samkvæmt mati siðanefndar á alvarleika brotsins.

Ef íþróttafélag skráir íþróttamann á mót og sannanlegt er að það sé gert án samþykkis viðkomandi, ber að dæma íþróttafélagið til refsingar. Refsingin skal vera tímabundið keppnisbann félagsins eða að minnsta kosti fjórföld upphæð þáttökugjalds mótsins.

Framkoma og ábyrgð á mótum:

- Keppandi skal koma heiðarlega og drengilega fram við keppinauta sína og eigi beita óleyfilegum brögðum.
- Keppandi skal sýna dómurum, liðsstjórum og starfsmönnum mótsins tilhlýðilega virðingu og eigi fara niðrandi orðum um þá eða áhorfendur.
- Keppandi er sjálfur ábyrgur fyrir því að allar persónulegar upplýsingar séu réttar, svo sem nafn, aldur, kyn og félag.
- Keppandi skal ávallt reyna að gera sitt besta og eigi hætta keppni að ástæðulausu.
- Keppandi skal tilkynna forföll í tæka tíð og má enginn ganga úr keppni án þess að tilkynna það liðsstjóra, dómara og mótshöldurum, þótt hann hafi lögleg forföll.
- Keppandi æfir sig og keppir á eigin ábyrgð, og bera mótshaldarar því enga ábyrgð á meiðslum, er hann kann að verða fyrir.

## Liðsstjórar

### Val liðsstjóra:

Afreksstjóri velur liðsstjóra í landsliðsverkefni ef hann fer ekki sjálfur. BFSÍ greiðir flug, gistingu og gjöld tengd móti fyrir liðsstjóra/fararstjóra í landsliðsverkefni.

### Vald og leyfi liðsstjóra:

Liðsstjórar eru fulltrúar BFSÍ á mótinu. Þeir hafa því sama vald á viðkomandi móti og framkvæmdarstjóri/formaður BFSÍ hefði þar. Þeir geta breytt uppsetningu liðs, geta skrifað undir breytingar fyrir hönd sambandsins tengt mótinu, uppfært keppendur í þjálfara, kært meint brot, geta vísað keppendum úr keppni, geta sent keppendur heim, os.vfr.

### Störf og skyldur liðstjóra eru meðal annars eftirfarandi:

- Strax og komið er á keppnissvæði hafa samband við mótshaldara
- Sjá til þess að greiðsla og uppgjör tengt mótinu sé í lagi svo að keppendur séu gildir, klára skráningu liðsins og sækja keppenda skírteini.
- Vera fulltrúi BFSÍ á mótinu og taka ákvarðanir tengdar mótinu fyrir sambandið.
- Fara á liðsstjóra fund og miðla upplýsingum sem farið er yfir þar til keppenda.
- Vera tengiliður mótshaldara, dómara og dómarráðs við keppendur.
- Fylgja liðinu í búnaðarskoðun.
- Sjá til þess að keppendur komist til og frá keppnisvelliðum.
- Sjá um þjálfun afreksfólks á mótinu, ef keppendur óska eftir því.
- Taka á öllum öðrum vandamálum sem gætu komið upp og aðstoða keppendur við að leysa þau.
- Kæra meint brot sem hafa áhrif á Íslenska keppendur til dómarráðs mótsins.
- Taka á siðamálum sem gætu komið upp á mótinu og taka það fram í liðsstjóra skýrslu svo að hægt sé að taka á þeim málum þegar komið er heim ef þarf.
- Skrifa liðsstjóraskýrslu um mótið og senda til framkvæmdarstjóra BFSÍ. (Nægilegt er að email. Skýrslan þarf ekki að vera löng en þarf að taka fram atriði sem gætu verið hjálpleg fyrir BFSÍ, aðra liðsstjóra og/eða siðanefnd að vita um gang mótsins.)

Sjá nánar um skyldur liðsstjóra á mótum í WA reglubók 3